



COMUNE de ROMANA

Provìntzia de Tàtari

Carrera Roma, 50 – Romana – Tel. 079/925013 - 0799144273

Situ: www.comune.romana.ss.it - E Mail servizisociali@comune.romana.ss.it

Servìtziu Sòtziu – Culturale

LEGE 162/98 PIANOS PERSONALIZADOS PRO CHIE AT HANDICAP GRAVE Annualidade 2021

PRÒROGA ISCADÈNTZIA PRESENTATZIONE DIMANDAS:

22 DE MARTZU DE SU 2021

PRÒROGA PIANOS GIAI CUMENTZADOS

Si comùnìcat chi sa Regione Sàrdìgna at dispostu, cun Deliberatzione n. 64/18 de su 18/12/2020, sa sìghida de sos pianos personalizados in èssere a su 31/12/2020, sos cales ant a èssere prorogados dae su 01/01/2021 a su 30/04/2021, cun su matessi importu mensile prevididu in s'annu pretzedente.

In s'interi de su primu trimestre sos pianos subra narados ant a dèvere èssere torra valutados pro cantu pertocat sa situatzione econòmica e sòtziu-familiare de su beneficiariu (tzertificatzione ISEE e Ischeda Sotziale). Si in casu mai bi siat istadu un'agravamentu de sa situatzione sanitària de su beneficiariu at a èssere netzessàriu presentare un'Ischeda Salute noa (Allegadu B).

PIANOS NOOS -2021

Cun Deliberatzione n. 64/18 de su 18/12/2020 sa Regione Sàrdìgna at prevididu, in prus, sa possibilidade de presentare sas dimandas pro atzèdere a sos pianos personalizados de ativatzione noa pro totu cussos in possessu de sa tzertificatzione segundu sa L. 104/98 art. 3 co. 3 intro de su 31/03/2021.

Sa documentatzione de predisponnere si podet iscurrigare dae su situ web de s'Ente <https://www.comune.romana.ss.it> e at a dèvere perbènnere a s'Ufìtziu Protocolu de custu Ente, segundu una de sas modalidades sìghentes:

- Pro mèdiu de posta eletrònica (PEC o e-mail) imbiada a s'indirìtzu PEC protocollo@pec.comune.romana.ss.it E-mail protocollo@comune.romana.ss.it;
- Pro mèdiu de cunsìgna a manu, ma ebbia in casu de impossibilidade assoluta a impreare sas modalidades indicadas subra e leadu chi siat apuntamentu telefònicu, pro evitare muntones de persones in sos ufìtzios comunales.

A sa dimanda ant a dèvere èssere allegados:

- Còpia documentu de identidade e còdighe fiscale de su beneficiariu e de su richiedente;
- Còpia de su verbale chi tzertificat s'istadu de handicap grave L. 104/92 art. 3, comma 3 (o tzertificatzione chi atestat sa valutatzione avènnida) reconnoschidu intro de su 31/03/2020;
- Còpia de su verbale de invalididade;
- Còpia de sa tzertificatzione ISEE pro "Prestatziones Sòtziu-Sanitàrias" annu 2021;

Pro more de sa pandemia SARS-Cov2 e pro evitare muntones de gente, sos collòchios cun sos operadores ant a èssere telefònicos e sos interessados ant a èssere o cuntatados pro telèfonu dae s'operadore incarrigadu in sas dies e in sos oràrios istabilidos in antis. Ulteriores acrarimentos e/o informatziones a su n. 079/925013 – fax 079/925241 e-mail servizisociali@comune.romana.ss.it.

Oràrios de abertura a su pùblicu su lunis – mèrcuris e chenàbura dae sas oras 11:00 a sas oras 12:30.

Su tèrmine ùrtimu pro sa cunsìgna de su mòdulu de dimanda, de cunsìgnare a s'Ufìtziu Servìtzios Sotziales, est fissadu a su **22 de MARTZU de su 2021.**

Romana 01.03.2021

Su Responsàbile de su Servìtziu
F. du Dot.ra Antonella Contini